

**Contact Numbers pawimaw :**  
 DC/CCPur : 03874-234234  
 SP/CCPur : 03874-236747  
 Police Station : 03874-202248  
 SP Control Room: 03874-232329  
 Dist. Hospital Casualty : 03874-233370  
 Fire Brigade : 8974 147 799/  
 8258 057 887 / 8974 103 600  
 SP Hotline Number 7085-256-377

# Hmasawwna Thar

( A N I N D E P E N D E N T D A I L Y N E W S P A P E R )

Regd. No. RNI - 40917/89 | Postal Regd. No. MNP - 67

Hmasawwna Thar Vol - 32/216

Churachandpur

email : hmasawwnatharnews@yahoo.com

Phone: +91-3874-236846

Rs 6/- per copy



## News Reporting Training a um ding

**CCPUR:** Directorate of Information and Public Relations (DIPR), Manipur hnuoia State Institute of Journalism chun June, 2017 chawlikar khatna a inthawk khin District Headquarters, CCPur-ah ni 7 sung aw ding "7-Day Basic Course in News Reporting" a huoihawt ding a nih.

Hiengang tiengpanga inhnikna nei hai chun May 31, 2017 chenin plain paper-ah hnina lekha ziekkin

passport thlalak 2 le educational certificates hail eh District Information Officer kuomah pek lut ding a nih.

Basic Course a thang thei ding hai chu Graduate (for fresh candidates) ning a ta, Journalist sin thaw lai zing hai ditsak bik ning an ta, a fe hmasa sa seat chang ding ning an th.

Seat ruok zat 20 a ni a, training-a thang thei ding han Course fee Rs. 300/- pek tul baw a tih. (DIPR)

## HI HQ Special Assembly

**CCPUR:** Hmar Inpui, Special Assembly chu May 26, 2017 (Friday) hin LJ Memorial Hall, JJ Plaza, Rengkai Road, CCPur hmun ah 11 AM in um a ta. Hun hmang dan dinga inuogun dan chun House Invocation: Assembly Speaker in nei a ta, Presidential Address, Welcome Address, Discussion Hours, Bussiness Session le Assembly Secretariat Offi-

cers Election um a ta, Election Commission in Hmar Christian Leaders' Forum (HCLF) ning a ta, Election zo ah thlang thar a um haiin HI GHQ Inawpdan besanin Oath Taking nei an th. Hi hunah thang ding Palai hai chu a hun takah thung seng dinga ngenna le inhrietirna Information & Media Cell, Hmar Inpui, GHQ chun a siem.

## Loneituhai ta dinga training buotsai



**CCPUR:** ADC, CCPur hnuoia Agriculture Department huoihawtnain ni 2 sung aw ding "Human Resource Development Training of Farmers on Mushroom Cultivation and Vermicompost Preparation" chu May 25, 2017, 11AM khan Council Hall, Tuibong-ah tan a nih.

Pu Khaipao Haokip, Chairman, ADCC chun training hi a hawngin thuhriina hun a hmang bakah Seilenmang, EM

(Agriculture, Horticulture & Soil Conservation), ADC a inthawk thuhrii ngaithlak a ni baw.

Training hunah zanikhan S. Romendro Singh, Agriculture Officer (Soil Conservation), ADC, CCPur chun "Cultivation of Mushroom" ti thupui hmangin inchnukirna a nei a, vawisun hin "Preparation of Vermicompost" ti thupui hmangin traing sunzawm nawk ning a tih. Training a hin mi 280 vel an thang.

## Admission thaw thei a nih

**CCPUR:** Lalbahadur Shastri Hindi Mahavidyalaya, Churachandpur a Class-X, Class-XII le BA admission thaw nuohai ta dingin May, 2017 thla sungin admission thaw thei a nih. Hindi inchnuk nuomhai ta ding

khawmin inchnuk theizing a nih. Admission thawna ding hmun chu Royal Rajdhani Travels, Opposite UBI, Churachandpur Branch, Tiddim Road, Lamka, CCPur a nih tiin Principal chun inhrietirna a siem.

## CHANCHIN LAKTAWI

### ZEO in registration thaw seng dingin

**CCPUR:** T. Goukhomang, Zonal Education Officer (ZEO), CCPur chun Mid-Day Meal dawng Govt. Schools, ADC le Government Aided Schools haia Principal/Headmaster/Headmistress hai chu June 10, 2017 hma ngeia CMO Office Campus-a Designated Officer, Food Safety, CCPur-ah registration thaw dingin an hrietitir.

### Solfa junior course

**CCPUR:** EBC Mission field hmalaknain May 15-22, 2017 inkar khan Mission field hnuoia thalai hai ta dingin Tonic Solfa Junior Course training nei a ni a, khaw tum tuma inthawk thalai 46 an thang. Exam-ah mi 6 first class in an passed a, mi 5 second le mi 8 third in an passed.

## GAS NEWS

**Agency : SAS**  
 Booking :3rd. FEB., 2017 to 3rd. March, 2017  
 Delivery:26-05-2017 (FRI)  
 Time :9AM-till stock  
 STOCK :252  
 First come first serve

## Ksh Bhabananda Singh, RS Member dinga thlangtling a nih Congress MLA BJP la hung lut pei ding khawm an la um: CM

**IMPHAL:** Manipur ah history thar siemin, BJP candidate Kshetrimayum Bhabananda Singh (President BJP Manipur) chu Manipur-ah inthawka Rajya Sabha member hmasatak la ni dingin Ningani Khan Manipur Legislative Assembly-ah thlangtling a nih. Elected MLA vote 60 lakah vote 39 a hmu phak a. A khingpui Congress (I) candidate Mr Elangbam Dwijamani Singh chun vote 21 a hmuh.

Parliament rorelna inpui chungnung lem Rajya Sabha ah member tam lem nei theina ding, abikin sawrkar thlungpui BJP le thawpuihai NDA ta dinga pawimaw em em, Manipur ah khawm BJP sawrkar hrat dan inkhina pakhat, Rajya Sabha Bye-Election hi Feb.28, 2017-a Congress



Rajya Sabha member ni lai Md Haji Abdul Salam thina leia nei a nih.

Thudawngnain a hril dan chun, Congress MLA pakhatin BJP candidate a vote ti a nih. Hi thu le inzawm hin vote thlak hmoin, Lamai A/C a inthawk Congress (I) MLA, Mr Ksh Biren Singh chu Chief

Minister N. Biren Singh car ah a chuong ti hriet/hmu a ni a. Ama hi BJP candidate vote petu chu ni dinga ring a nih.

Chief Minister Mr N. Biren Singh chun, BJP candidate Ksh Bhabananda Singh Rajya Sabha member dinga thlangtlinga um chu lawmum a ti thu hrilin. BJP

sawrkar chu a la hrat deu deu ding thu le Congress MLA dang iemani zat BJP la hung zawm ding an um niin a hril baw. Kha hma met khawm khan Congress (I) MLA 6 chun BJP an lo zawm tah.

Mr Ksh Bhabananda Singh hi March 1, 1960 khan (L) Ksh Dhananjoy

Singh le (L) Ksh Ibeyaima Devi hai karah a hung pieng a. Kum 1969-76 khan Sainik School, Goalpara, Assam ah an chuk a. Delhi Hansraj College a inthawkin 1980 khan English Honours ah a graduate a. Manipur University a inthawkin LL B graduate a nih baw. Kum 1999 a inthawk Khan Bar Council of India, North East Region ah Registered Advocate khawm a nih. A nuhmei chu Ksh N. Marina Devi a nih.

Politics ah chu 1995 khan BJP a zawm a. BJP a thang tira inthawkin Booth level a inthawka State level chenin nina a chel hai po poah ringum taka chelin thafan takin party sinhai a thaw hlak. Kum 2009-a Manipur State BJP President election ah khan State

Returning Officer (SRO) dinga nominated a nih a. Kum 2010 khan Pravesh Prashikhan Varg ah a pakhatna a lak a nih.

BJP Manipur Pradesh President a ni hma hin Boot Level Secretary, General Secretary hai nin 2008 khan President, BJP Sagolband Mandal a nih. Dr Borobabu Singh, State President a ni sung 2009-12 khan Treasurer a nih. Kum 2012-13 sung khan General Secretary nin, 2013 a inthawkin Vice President a nih a. Ni kum 2016 a State President election-a khan Manipur Pradesh President dinga thlangtling a nih.

State President kum khat khawm a chel tling hmoin Rajaya Sabha Member dinga thlangtling hung nih nawkin Manipur history thar a siem a nih.

## CM-in Rs.50, 00 a pek, Rs. 2 Lakh loan a tiem

**IMPHAL:** Chief Minister Mr N. Biren Singh chun, Keibi Khullen Makha Leikai, Imphal East District-a um Mr Thounaojam Loyangamba Meitei chu tuta tum Class XII Examination 2017 ah khan, mirethei tak sungkuo inthawka lekha inchnukin Commerce ah 4th a lak lein lawmpuina le sukthafanna dingin Rs. 50, 000 a pek.

Mr Th Loyangamba hi Mr Th Banamali Meitei le Mrs Th (O) Ichal Leima hai nau a nih. Mi rethei tak, kut sinthaw insungna mi, sikul tha khawm kai zo lova sawrkar sikula kai a nih.

Chief Minister chun a office ah kovin a Discretionary Fund a inthawkin cheng sing nga a pek a; a mamaw pawimaw zuol inhmaw le-



khabu le admission hai thawna dingin.

Hi bakha hin Loyangamba hin kut sin thaw a tawa theina ding le fak le dawn zawngna sin thalem a nei theina dingin loan Rs. 2 lakh le sawrkar housing scheme a inthawkin an in bawna ding Rs. 1.20 lakh a pek bawk ding thu a hril.

Chief Minister chun Mr

Loyangamba chu nasa nawk zuola lekha tiema an insung chauh nih lovin State ta dinga hmingthatna chenhai hung thaw dawk dingin an fui a. Mirethei tak insungna inthawka lekha inchnuka, abikin Sawrkar sikul haia inthawka Commerce ah an sangtak a nih thei lein state sawrkar khawmin lamman a la pek ding niin a hril baw.

## Forest Dept. in nitin Revenue Rs. 20-25 lakh

**IMPHAL:** Forest Department chun a tlangpuiin nitin revenue Rs. 20-25 lakh an laklut phak niin Forest and Environment Minister Th. Shyamkumar chun zanita Kanglapat hmuna a chengnaina chanchinbumihai an hmupui hun a hril a. Koirengei Forest Beat of-

rice chun a tlangpuiin nitin Rs. 2 lakh revenue an hmu zie anga hisap a nih tiin minister chun a hril baw.

Chief Minister N. Biren Singh inrawinaa Manipur sawrkar hnuoia Revenue Department chun kumkhat sung Revenue cheng vaibelsie 100 ( Rs. 100

crore) bek hmu tling tumin hma revenue drive nasa takin an thaw tan tek a nih tiin a hril. Drive hi global warming le deforestation humhalna a ni bawk thu hrilin department in an target hi an hmu phak ngei a beisei thu minister chun a hril.

## Advocate General sin a chel tan



**IMPHAL:** Senior Advocate Kumarjit Singh chu Manipur Advocate General sin thaw dinga ruot a ni anging May 22, 2017 a inthawk khan Advocate General, Manipur sin chelin a Office a kai tan. Ama hi kum 1981 a Lucknow University a inthawka LLB First Division a passed, Manipur High Court le Supreme Court haia kum 35 lai zet Advocate sin lo thaw ta a nih.

## Herion 1.219 Kg an man

**IMPHAL:** 26 Sector Assam Rifles hnuoia 12 Assam Rifles han May 22, 2017 khan Moreh a inthawka Imphal pana fe Maruti Van pakhat Khudengthabi hmuna sukchawla an dapnaah herion 1.219 Kg a neitu mi pakhat leh an man a, Narcotics Control Bureau, Imphal kutah an pek niin IGAR(South) H.Q thusuok chun a hril.

## Lt Gen Kongsam Himalaya Kargil War Thu



**IMPHAL:** Lt Gen Kongsam Himalaya chun Ningani Khan Governor In Rastrapati Bhavan, Imphal ah "My Experience in Kargil War - Role of the Indian Army" ti hunser a nei a. Higher secondary school hran hrana inthawkin student 200 vel an thang.

Governor Ms Najma Heptullah chun introductory speech hrilin India ram humhanna dinga Indian Army hai sinthaw le hmalaknahai inpak a um zie a hril.

Lt Gen Kongsam chun Kargil War 1999 laia Indian Army hai chet dan le a mimal takin a tawng hriet le a thil tuokhai a hril a. Power-point presentation hmangin student hai Kargil War thlalakhai an entir baw. Kargil War lai khan ama chu 12th Battalion Rajput Regiment ah Commanding Officer a nih a. Kargil ah kum 12 sung post-

ing a um niin a hril baw. Indo laia a lungria hluotu tak le huoisenna petu chu, thang thar peihai ta dinga India ram venghimma ding niin a hril a. Chu chun harsatna tamtak an pal tlangtir thei niin a hril. Operation Vijay chu 6th May, 1999 ah tannin hnena chu June 14 a inthawk India-in a nei tan a. June 27th, 1999 ah chun hnena pumhlu ei chang tah niin a hril.

Student hai chu an ni nuom tak chu focus a, chu ni theina dinga an thei tawp suo dingin an fui taw. Lt Gen Kongsam hin 2012 khan "Romancing the Line of Control" ti lekhabu a ziek baw. Program hi BJP National Secretary Mr Ram Madhav, Minister of Works, RD & PR, C&I, Power and IPR Mr Th Biswajit le CRPF hotulien hai khawmin an uop.

## 1st Watermelon Festival

**BISHNUPUR:** Ni 4 sung aw ding Dawnkhaw Kut hmasa tak chu zanikhan Sunusiphai, Bishnupur District-ah tan a nih. Dawr 60 hawng a ni a, hieng dawr haiah hin dawnkhaw, fanghma, mai le thlai dang dang hai khawm zawr a nih. Manipur a ding chun dawnkhaw kut hmasa tak nia hril a nih

## Pasal pakhat a umna hriet lovin

**IMPHAL:** May 17, 2017 a Stat Bank of India, M.G.Avenue, Imphal-a pawisa sielut dinga fe Hirom Priyokumar@Yaima(28),S/O H.Manichandra Meitei of Heingang Panthoibi Leikai chu inlawi ta lovin a um a, tuchen hin a umna hriet lovin a lan hmang. Ama hi Real Image Travel Agency, Uripok Koisham Leikai neitu a nih.

## Henglep SDO report a pek

**CCPUR:** Mr Chunglenmang Kipgen, MCS, SDO, Henglep chun zani zantieng khan reporters thenkhat inhmupuiin May 4, 2017 a inthawk Henglep Sub Division sunga an zina report a pek. Henglep Sub-Division sunga Job Card/Ration Card, Fair Price Shop (FPS) fethlenga bufai sem dan le Aadhar chungthu hai chu an zin hun a enfel tak a ni thu a hril. Tuchena

hin Henglep Sub-Division sungah Aadhar lakna 55% zo a nita a, June/July thlain MANITRON a inthawk staff hai hungin SDO le t hangruolin Aadhar lakna hi sunzawm nawk a ni ding thu Chunglenmang Kipgen chun a hril a. Zanita inthawk khan Henglep khuoah electric meivar a tung ta thu, June/July thla khin Henglep Power Sub-Station Manipur CM in a hawng ding a hril baw.

## US Warship USS Dewey South China Sea a lut

**WASHINGTON:** Suo-tieng milien China-in 'ka ram, ka tuipui' tia a renga a keipui sahau hlur, Dollar billion tamtak hausakna neia hril South China Sea ah, China-in artificial islands (thlierkar) a siem-fawm, sipai le sumdawngna hmupui dinga a ti, China-in thenum rambunghai an chupuina lai Mischief Reef kawli lai, nautical mel 12 chen chaw ah US chun a Warship (indona lawng) USS Dewey a tirlut a, boruok a sukulum hle.

Hi thil hi direct-a China challenge-na niin thenkhat chun an ngai. President Trump thuneina a chela inthawka China chungthu a neizie suklangna hmasatak a la nih. US ngaidan chun hi lai biel South China Sea chu China ta ni lovin international waters a nih ti a nih a. China ruok chun 'ka biel' a ti ve thung a. An Warship



hai chun hi lai hi hung lut lo dinga an hril tal hnunga hung lut niin an hril a. South China Sea chu nuomma na fe thei a nih ti, 'freedom of navigation operations' hi a pawm ve naw thu a hril. Ni kum October khawm khan China-in South China Sea inzinna limit siema aman control vawng a tumna dodal entirna dingin Warship chu China vakam hnai tieng le thenum rambunghai ta china ngai tuipui

tiin a lo rel tah a. South China Sea a midang inzin ding le hmang ding a phal naw hi international dan a bawsiet a nih tiin a lo rel tah a nih.

Pentagon chun, hi thil hi khawvel hmun tina US in a thawdan anga a thaw el a nih. International water haia chu Pacific, Atlantic, Arctic, etc a nuomma na mi tinin zalenna ei nei ti suklangna dingin a fe hlak, tiin a hril. Asia Pacific commander Admiral Harry Harris chun, "Ni tinin Asia-pacific biel lai kan kan kuol hlak an nawm. International lung dawngna thaw kan nih" tiin a hril.

China defence ministry ruok chun, "US thil thaw dan le chet dan hi inremna le muongna suksetu ding a nih. South China Sea laia inremna a hung um pei laia buoina thar suksuoktu ding a nih" tiin a hril ve thung.

Tuta Nautical mel 12 sung lung lo char, interna-



VAWISUN THUPUI

Mitkhapkar chau el ka maksan che a; nisien-lakhawm lunginsietna nasatakin thuoi nawk ka ti che. Ka lungsenphutin mitkhapkar nanga tieng ka hmai ka thup a; nisienlakhawm kumkhwatluong zainemnan lunginsiet ka ti che. Lalpa nangma intlantu chun a tih. - Isai 54:7-8

Editorial

Nundan pangngai

August 31, 2015 a Manipur Assembly in Bills 3 a pasihai ditnaw le dodalnaa Churachandpur mipui han nuorma le helna nasa tak an nei laia Security Forces han silai an hmet puok leia mi 9 thi a, mithruong 9 hai laia 8 hai ni 632 District Hospital, Churachandpur Morgue-ah an zal hnungin May 24, 2017 a Public Ground, Churachandpur a sunna hunser hmang a ni zo hnunga Khuga Dam helipad hmuna Tribal Martyrs Memorial Park dinga ruot le siemna hmuna ropui taka vui liem theia an um ta hi lawm a um. Churachandpur mipui chau nilovin Manipur mipui, Manipur Sawrkar le Sawrkar thlungpui hai ta ding chun ngaituona lungril a hung hadam huoi ta ngei ring a um. Mithruonghai vui liem an ni hma po khan chu lungrila mi kamtu a um, tuhin chu lungril a hung zangkhai thei ta a nih.

Martyr-hai ruong vui liem a hung ni ta hin chu, Churachandpur-ah nun dan pangngai a hung um thei nawk ta ngei beisei a um. Nun dan pangngai a hung um theina ding hin mitinin mawphurna ei nei seng a nih ti hi theinghil ngai lo ding a nih. Thil fe liem tahai chunghang "Theinghil le Ngaidam Policy" ei nei thei seng a tul bek bek el a nih. Theinghil le Ngaidamma lungril ei put thei naw chun ei ramah hin nun dan pangngai a hung um thei naw ding a nih.

Churachandpur District a hin hnam chi tum tum, sakhuo chi hran hran bie le zuihai ei cheng khawm a, hienghai lai hin a ram mi Scheduled Tribe ringawt khawm dawrzawn khat chuong ei um a. Tribe hran hranah recognised ni inlakhawm ei thlatu bul ei sui chang chun unau ngei ngei, inla hran thei ding um lo ei nih ti chu a hretu seng ei nih. Hi lei hin intheida le inhmelma thei ding ei ni nawh. Sawrkar le hnam dang han mi sie hran an tum khawma nuom der lo dinghai, inpumkhat le inthuruol tul ding ei nih. Hi hi ei hratna thahrui a nih ti hi pawmtlang seng ei tiu.

Ei thil dit le ei thil ngen hai khawm ei Sawrkar thlungpui chun a hriet el khelag ngaituo le pek thei chin mi pek an intiem a. Hi lei hin a mi ngaisak der nawh ti thei ni naw nih. Amiruokchu, ei thil dit le ngen hai ei hmu theina ding ruok chun nun dan pangngai ei nun le ei um nawk ngei a tul a nih. Nun dan pangngai ei um nawk chun ei insukhawmna hung tha nawk a ta, a hung hrat nawk ngei ding a nih ti beisei tlat ei tiu. Nangni le keini ti tawngkam ei hmang a, ei inkhikinkhal sung chu ei tum ram tlung ngai der nawng ei tih. Martyr lo chang tahai kha mi suikhawmtu hung ni mawl raw hai seh. District hi Churachandpur a Zohnathlakhai mi thedarna hman-gruo hung ni naw hram bawk sienla nuom a um.

Churachandpur-ah nun dan a hung pangngai thei nawk chun hmasawna tiengpang khawm ni dang ang bawkin hung fe thei a ta, inthuruolna le t hangruolna hai khawm hung pangngai thei nawk a ta, ei hmalakna tirrengin umzie a hung nei thei nawk ding a nih. Ram le hnam inthanglienna dinga thil tul makmaw chu inthuruolna le thangruolna a nih. Ram le hnam a dam ding chun ei thangruol ngei ngei a tul a nih.

Mimalah, khawtlangah, ram le hnamah a thangruol thiem thiem an ngirsuok hlak. A thangruol thiem thiem chu hnam vangnei an nih. Nisienlakhawm, chu chu hrezing puma thangruol thei lo an um a, chu hai lai chun Churachandpur a Zohnathlakhai hi ei thang ve a ni chun ei hmakhuo ding chu inthim hleng a tih. Hnam tinin sutkieng ngai harsatna an nei seng hlak. Churachandpur a Zohnathlakhai harsatna khawm thangruol annawleh inthuruol thei nawna hi a nih. Ei thangruol thei tak tak ngai naw leiin thil ngen le nawr ei nei chang khawmin a sukuk nawk el hlak. Ei hnam damna dingin thangruol ei tiu.

Table with 3 columns: Hours, Studio, Programme. Includes ALL INDIA RADIO: CHURACHANDPUR PROGRAMME, TRANSMISSION- FM-101.4 Megahertz, and various program details like Signature, Vande Mataram, etc.

Editorial Board Lalmalsawm Sellate: Editor & Publisher Roding L. Sellate: Jt. Editor Joseph Joute: Freelance Lalsansuok Pulamte & Samuel Zothanglien@SZ Zote:Sports Lalruotlien Dulien: Computer Assistant Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

PÄWL 12 RESULTS PUONG A LO NI NÄWK TAH: IENGTIN AM?

Ruoivel Pangamte (7005244412/9862402286)



May 23, 2017 zantieng dar 3 khan HSE-2017 Results chu inzaum Pu Th. Radheshyam Singh, Education Minister, Manipur chun a lo phar hawng tah a. Mi tamtakin Churachandpur College-a Admission chungchäng an mi hung indawn sup súp nghal a. Inchükna tieng ei thanghar nasa ta hle a nih ti chiengtakin a'n lang a, läwmum ka ti hle. Churachandpur College-a Academic In-charge ka ni leiin, kum iemanizat hi, Admission mawphurna ka liengkovah a'n nght a. Tükum ruok chu, ka naunu inchükna le inzawm a, Aizawl, Mizorama ni 10 süng ka va thang hmang a tul leiin, Admission chu ka enpui hman da'l thei. Admission Form hi May 29 vèla inthawkin sem suok tan ni'ng a t'a, Class 12 Original Marks-sheet a tlung phá phaleh, document kimtak le submit ding a nih. Admission tak tak chu June 12 vèla tan hman beisei a nih a. June thla sünga admission proress po po zo vawng ding a nih. Class chu July thla bula tan a ni hlak.

Chuleichun, Admission chang tumhai chun, a'n hma tienga Admission Form la ding le, document kim thlapa submit thei ding a, a tulhai (requirements) po po, a hmaa lo buoipui läwk vawng dingin, Churachandpur College-a Admission beiseituhai po po ka'n cha a nih. Admission Form lak nazawng hi Admission changna ruok chu a ni nawh ti hi hriet tlat ding a ni bawk. Admission form fimkhur taka fill up a, submit a, admission fee pek thei a ni chara pek ngál dinga lo inring fél diem ding a nih.

A tlängpuiin Results puong a nia inthawka Office sinthaw ni (working days), ni 7-a inthawka ni 10 süngin Original Marks-sheet hi pèksuok a ni hlak a. Internet-a Marks-sheet copy hi University-in a pawm naw leiin, Original Marks-sheet ngei chu Zerox copy siem a, document danghai le submit ding a nih. Tribe Certificate hi nei ngei ngei ding a nih a. Admission thawna ding ruok chun Compulsory a ni nawh. Scholarship Apply hunah thilsa a tul hlak leiin, Income Certificate leh lo nei läwk a ngai. Admission thaw hunah an tul nawh.

Chun, thlaläk (tulai hnai ela lak) copy 4 bèk nei ngei ngei ding a nih. Attested inthawtir a ngai nawh. Thlaläk chu zakawtiel lo, a var hlak, a eng hlak annawleh a sen hlak ni thei sien, kai nuhnungtakna School Uniform le thlaläk kha pawm a ni ta nawh. A dum tieng le signature inlang theilo ding thlaläk, entirna dingin nuhmeiin hmatienga sam an inkhailaktir ang dam hi dit a ni nawh. Kai nuhnungtakna school-a inthawka Provisional Certificate le a dang dang khawm harsa sá saa la lälko phawt ding a nih. Scholarship Applyna a tul thei a. College Admission-naa ding ruok chun a ngai nawh.

Churachandpur College-a kai nuom hi an pung pei ta leiin, admission chang hi a harsa ta pei a. Application Form submit hmasahai chu, an marks a se hle a ni naw chun, consider thei ni'ng an ta, a nuhnunghai ruok chu, an marks a tha hle a ni naw chun, admission an chang ta ngai nawh. Chun, thenkhat chun, Manipur puotienga admission thaw an nuom a, seat an hmu naw phá, Churachandpur College an hung suk hlak. Seat a um ta naw chun thawngaina a um ta ngai nawh. Thenkhat (a var deu chun) Churachandpur College-ah admission an thaw phawt a, puotieng admission an hmu leh an maksan el a. Chu chu a him lem. Cheng 3,000/-ruok chu an sèng thlawn a tul. Risk lak a ngai si a.

Iengleia Churachandpur College hi mi'n an hung baw am? A san po po ka hriet vawng nawa chuh, kan student-hai results a that hlak lei a nih. University Exam nuhnungtakna khan candidate 90 nèka tam lem First Class-ah an passed a. Manipur pumpuihai First Class-a pass tamna tak college kan nih. "Enrükün

First Class pass thei a ni nawh, tiem nasa ro" ti hi, naupanghai kan inchüktirna chu a nih.

Thenkhatin "Churachandpur College-ah Class an nei tha nawh..." an ti hlak. Class po po thanaw anga hril hi chu ka pawm thei nawh. English Department hi ka Department a nih a. English Department-a na na na chun Class kan lo miss pal a ni khawmin, 95% chu kan miss ngai nawh. A taimâ ma an kai tha el a nih. Tükuma inthawk lem chu, nasa näwk zuola t hanglak kan tum a. A kai thanaw ding chu English Department-ah lak kan tum ta nawa a nih. Geography hi Practical a um leiin, seat a tlawn a, a la nuom chun Admission tan niin a ful nghal hlak a nih ti hi hriet ding a nih. A hnunga inhi hin umzie a nei ta ngai nawh. Chuong ang bawkin Education khawm hi Practical um a ni leiin, a nuom taphawt, Honours subject kan pek ngai nawh. Head of Department-in student thaa a record hai naw chun, Education hi Honours-a inzielüt el thei a ni nawh. Chu ang bawk chun Geography khawm a ni ve. English khawm a danglam chuong naw ding a nih.

Hieng ang thu ka hril lei hin "Churachandpur College-ah hung kai ngei ngei ro..." ka tina a ni der nawh. Päwl 12 marks a thanaw lem chun, a päwng a puia Admission hi inpék el thei a ni nawh. Admission chang nuom chun, inhma deuva buoipui chu a damdawi thatak a ni el a nih.

Churachandpur College-a inthawka First Class-a BA/BSc. paas hai hi, thatak le ngütaka class kaihai an ni hlak. Zirtirtu an um naw chäng a, complaint thaw ngam, tha tak le regular taka class kaihai lai hin, 'iemie' tawng hmanghai hi um ve hlak inla chu, First Class-a pass hai lai hin, 'iemie' tawng hmanghai hming hi, kat ve nak naw thei naw nih.

Päwl 12 Results a hung suok tah a. June 2017 thla bula inthawkin Churachandpur College-ah Admission thaw tan a ni ding an' tah. Manipur puotienga inchük dinga suok daw, phinga naute le hung inlawi dam, nuhmei le hung inlawi dam ei kat nawk ta leiin, nu le pa tamtak chun, mami inluma inthawka an nauha'n inchükna insäng lem an inchük thei dan ding an ngaituo ta lem a. Inchüklai tamtak khawm a, State puotienga inchükna inhai a lo that bik nawzie an zu hmu ta leiin, "Man is his own architect / woman is her own architect" indikzie hi an hung hriet suok tah. Internet-ah ei mamaw maw ei keidaw thei tah a. Säptawng hlak chu, Churachandpur District mihai nèka thiem an um bik ta chuong si nawh a. A var varin tlawmtè sèng a, tamtak thiem an tum ta a nih. Chu ding chun Churachandpur College hi mi'n an hung baw sup sup an' tah.

Tulaia inchüklaihai hin, State puotienga sum an sèng zät sèngin, nu le pa thlazär hnuoiha lungril le titakzetin lekhâ hei inchük hai sien chu, an va thiem insäng ding de aw...ka ti hlak. Päwl 12 Results a hung suok tah a. Nu le pahai hin ei nauhai inchük pei dan ding hi iengtin am ei ngaituo a? Inchüklaihai khawmin ei inchük zäwm peinaa ei hlawtling theina dingin, iengtin am ei ngaituo a?

I college kaina hin i hlawtlingna dingah zaa sawmhni (20%) a thang ve a. I hlawtlingna dinga zaa sawmriet (80%) hi chu nangmaa um le inghat a nih. Ieng anga College thaah kaiin, ieng anga Zirtirtu thain inchüktir hai sien che khawm, nangin tumna mümal tak i nei a, i tumna sukpuiting ding a, thil dang po pova inthawka insiekieng a, i thiltuma i'n bür ngar ngar nâw chun, tulaia khawvelah, inruolsiekna hi a'n sang ta em leiin, Sera mü thür hi a'n tak tah a nih. Päwl 12 Results puong a ni ta sih a. IENGTIN AM LEH.?

Highway-ah pasal kaphlum, nuhmei 4 suollui

NEW DELHI: Zani hmasa zan sawthnung khan Greater Noida-a Jewar-Bulandshahr highway-a chun ralthuom chawi mi 6 han motor an suom a, pasal pakhat an kaphlum bakah kap hluma um pasal sunghai nuhmei 4 hai chu suollui an nih.

Police thusuokin a hril danin, motor suomtu hai hin nuhmei hai hi car-a inthawk keidawkin an suollui niin a hril a, hi thua sukchiengna nghak mek a la

CBSE result a hun taka puong ning a tih: Javadekar

AHMEDABAD: Union HRD Minister Prakash Javadekar chun, CBSE hnuoia Class X le XII board exam result chu a hun taka puong ning a tih tiin zan-ikhah a hril.

CBSE in grace marks sukbo a tumna thauw student hai chu lo beidawng lo dingin Javadekar chun a ngen a, indik taka thil thaw a ni ding thu a hril. (ANI)

Uzma India ram tieng a hung kir tah

NEW DELHI: India mi nuhmei Uzma in a pasal Pakistan mi in a thu le hla lova silai leh chuktuoa an neipui nia case a siem le inzawma Islamabad High Court in India ram tienga hung kir nawk a remti pek le inzawmin zanikhan Uzma hi Police han Wagah Border chen an hung thak a, India ram a hung lut nawk tah. External Affairs Minister Sushma Swaraj chun Uzma hi lawmlutin "India's daughter" tiin a ko a, harsatna tam tak palth-

lang hai leiin paw i tipui thu a hril. Uzma hi zani zingkar khan Indian mission officials han Amritsar-a Wagah Border chen an hung zui a nih. Uzma hi kum 20 mi vel niin New Delhi mi a ni a, tuta thla bul khan Pakistan-ah a hang inzin a, chu huna Malaysia hmuna an tawngpui le inggaizawng zawng pei Pakistan mi Tahir Ali chun a thu le hla loin May 3, 2017 khan an neipui niin an tum a nih. (PTI)

Rohtang Pass hawng nawk tah

KULLU: Himachal Pradesh-a ft. 13,050 a insang Rohtang pass thla 6 sung zet motor le khuolzinmi hai lut thei lo dinga khar chu hawng nawk a nita a. Motor tam leia pollution nasat leiin National Green Tribunal (NGT) thupek anging permit system hmang a ni ta bawk.

Kullu district thuneitu hai chun permit fee Rs. 500 le motor pakhat peiah con-

Mizoram in GST bill a passed

AIZAWL: Mizoram Assembly chun zanikhan one-day special Assembly neiin Mizoram Goods and Services Tax (GST) Bill, 2017 an passed.

State Taxation minister Lalsawta chun, July 1, 2017 a inthawka hmang tan ding GST hnuoia state in revenue tamlem a hmu pha ngei a beisei thu le, mi naran hai ta dinga hamthatna a hung intun ngei a beisei thu bill a putlut huna a hril.

Bihar-ah Tekin nau-pang 3 a denghlum

BHAGALPUR: Bihar-a Bhagalpur district-a chun zanikhan nau-pang 3 zet Tekin a denghlum. Tekin a denghlum hai hi kum 10 le 14 inkar mi an nitawl a, hi laia 3 hai chu nuhmeite

Tripura in GST Bill a passed

AGARTALA: Tripura chun zanikhan Special Assembly neiin Goods and Services Tax (GST) Bill lungruol takin an passed.

Cabinet in Assam-ah AIIMS indin ding a pawmpui

NEW DELHI: PM Narendra Modi inrawina hnuoia zani hmasa Union Cabinet meeting chun Assam-a Kamrup hmunah All India Institute of Medical Sciences (AIIMS) indin dingin a remtipui tah. AIIMS hi 'Pradhan Mantri Swasthya Suraksha Yojna' hnuoia indin ding a nih.

Kamrup AIIMS hi damnaw khum 750, Trauma centre, MBBS inchuk theina seats 100, B.Sc. Nursing seats 60, residential complexes le New Delhi-a AIIMS in facilities a nei dang dang hai ang a um vawng ding ti a ni a, speciality/superspeciality departments 22, operation theatres 16 le AYUSH hai khawm um vawng dinga ti a nih.

Pakistan mi 3 man an nih

BENGALORE: Karnataka-a Bengaluru hmuna document mumal nei lova India rama hung lut Pakistan mi 3 hai chu zanikhan Police han an man. Pakistan mi 3 mana um hai hi Kumaraswamy layout laia hming lem hmanga um le khawsa an ni a, Aadhar Card ang deu identity card chu an nei niin Police chun an hril.

Saharanpur-ah mobile internet le SMS suspended

SAHARANPUR: Uttar Pradesh a Saharanpur a chun buoina tlung leiin zani hmasa zana inthawk khan mobile internet le messaging services hai sukchawh a nih.

Buoina hi Dalit hnam hai le hnam insang (upper-caste) Thakur hnam hai kara inhrietheim-nawna tlung leia inthan a ni a, zanikhan tut i hrietlo han Thakur hnama mi pakhat na takin an kap hliem.

Pawisa lem Rs. 1.11 crore an-glu leh mi 2 man

AHMEDABAD: Police-a Crime Branch officials han zanikhan ringhla leia Scooty a inphur mi pahni Bhavnagar road lai sukchawla an dapnaah India pawisa notes lem Rs. 1.11 crore anghu ding dapdawkin Scooty a chuong mi pahni hai leh an man.

Mauritius PM a hung inzin ding

NEW DELHI: Mauritius Prime Minister Jugnauth chu ni 2 sung cham dingin May 26, 2017 a inthawk hin India ram a hung inzin ding niin Ministry of External Affairs thusuok chun a hril. Tuta tum hi Mr Jugnauth in January thlaa inthawk a pa Anerood Jugnauth-a inthawk Prime Minister ngirhmun a hung laka inthawk ramdang an zin vawikhatna ding a nih. Jugnauth hin India ram a hungtlung zoin a hmasa



takin Rajghat a Mahatma Gandhi thlan sir a ta, India ram a cham sungin President Pranab Mukherjee, Vice President Hamid Ansari, PM Narendra Modi le cabinet minister dang dang hai inhmupui a tih.



LAKTAWI

Mobile inrua intum vuokhlum

MUMBAI: Mumbai a Saki Naka area-a chun zani hmasa zantieng dar 5 vel khan pasal kum 24 mi chu Mobile inrua ringhla lei ringawtin vuokhlum a nih. Hi thil tung le inzawm in Police chun under section 302 hnuoiah case an registered bakah mi 2 an man ta a, thu indawna an nei mek. (ANI)

CBI in case an registered

NEW DELHI: Indira Gandhi International Airport-a Custom Department vaults (thil siehtatna) a inthawk rangkachak kg. 16 zet in-rukhmang a nina thua CBI chun case an registered.

Rangkachak in-rukhmanga um hi Rs. 4 crore manhu vel dinga hisap a ni a, January 9-February 21, 2017 sunga Stock Taking Committee in an enfel huna an hmang thu hi hrietsuoka um a nih. (PTI)

Court in Naxals 5 thi dingin

PATNA: Bihar-a Munger district court chun zanikhan Naxalites cadres 5 hai chu thi dingin an chungthu a rel. Hieng Naxals 5 hai hi kum 2014 Lok Sabha election huna CRPF personnel 2 kaphlum le CRPF 10 kaphliemna le inzawma court in thi dinga an chungthu a rel a ni a, fine Rs. 50,000 seng chawi dinga an chungthu rel a ni bawk.

PM in CCTNS ngaipawimaw dingin a hril

NEW DELHI: Prime Minister Narendra Modi chun, ei rama law and order ngirhmun that lemna dingin state tin sawrkar hai chu Crime and Criminal Tracking Network and Systems (CCTNS) ngaipawimaw zuol dingin a hril. Hi thu hi zani hmasaa PRAGATI meeting huna PM in a hril a nih.

CCTNS hi Central government project niin India rama states 29 le Union territories haia crime data records hai software hmanga thlungzawm vawng a nih. (AIR)

UP-a Tractor eksiden-ah mi 11 an thi

NEEMUCH: Madhya Pradesh a chun zanikhan Kaankhapatta village-ah Tractor pakhat changsuolin an lethlu a, mi 11 in thina an tuok bakah mindang 22 in hliemna an tuok. Mi 11 thi hai lai hin naupang 4 an thangsaa. (PTI)

LK Advani My 30-ah Court a inlang dingin

NEW DELHI: Special CBI Court chun BJP leaders L.K. Advani, Uma Bharti le Murli Manohar Joshi hai chu Babri Masjid demolition case-ah May 30, 2017 khin CBI Court hmaah inlang dingin an hriettir.

Special CBI court chun December 6, 1992-a Ayodhya huna Masjid demolition case-ah BJP leaders han inrawna an nei am ti thuah kar hmasaa inthawk khan hearing a nei tan ta a nih. (TOI)

Pranab in President inchu nawk a tum ta nawh



NEW DELHI: President Pranab Mukherjee chun India President Election hung um dinga hin President inchu nawk a tum tanaw thu a hril.

Thla 2 hun ka la nei a, July 25 a chun President tharin Office a hluo tan ding a nih, ka kuoma thawk officials hai khawm an ministries le departments ah ka tirkir ta a, pak-

PM Modi in mitin man tlawm lema inenkawl

MUMBAI: Prime Minister Narendra Modi chun zanikhan Mumbai hmuna Tata Memorial Centre kum 75 tling lawmna New Delhi-a inthawk video conferencing fetlhenga hawngin, India mipui mitin man tlawm ei inenkawl theina dingin ramdanga inthawk medical equipment laklut suktlawm tum a ni thu a hril. Tuta medical equipments ei

PM in leilak sei tak a hawng ding

NEW DELHI: Prime Minister Narendra Modi chun wawisun hin India rama leilak sei tak Dhola-Sadia Bridge chu Assam hmuna hawng a th.

An nauhai hmingin Modi, High Court, Tea, Chocolate dam an phuok



SHIVAMOGA: Karnataka-a Shimoga district-a Hakkii Pikki tribal hnam cheng hai chun an nauhai hming phuok an uluk nawin an ngai ursun naw hle a, naute pieng thar hai chu an lungriila inlang lang an inputtir el nia hril a nih. Hienga an lungriila hung inlang ang ang nau hming dinga an phuok lei hin an nauhai hming chu - Modi, revolver, high court, hair pin, dabba, chain, hotel, tea, coffee, chocolate ti tam an nih.

Hakkii Pikki tribal hai hi mi 500 lai vel chau an ni a, an nauhai hming phuokna dingin hun bik khawm an buotsai hran naw a, an bul veta thil um le an lungriila hung inlang tak kha naute hming dingin an phuok el a nih tiin ei thu dwngna chun a hril. A hming 'High Court' tia ko chun a hril danin, ka pa high court bul lai a

Trump-in Pope Kuomah, "Muongna Ei Mamaw"

VATICAN CITY: Khawvel thila ngaidan inkal tak, abikin climate change le remna le muongna thua, US President Donald Trump chun Vatican City an suoksan hmain Pope Francis an hmupui a. Apostolic Palace ah minute 30 an inbiek a, khawvela inremna le muongna a um thei dan ding lampui an hriettlang.

Trump chun Pope le an inhmui thei chu a lawm hle thu hriin, Pope chu thil pahni, Martin Luther King Jr chanchin original tak le Florida artist Geoffrey Smith siem darsen milim "Rising Above" thiai a present a. Pope khawmin lawmthu hriin a lekhabu ziek, inchuktirma patham le Olive kau lim umbra Medal a pek a. A lekhabu pek patham-

SIELMAT CHRISTIAN HIGHER SECONDARY SCHOOL
CONGRATULATIONS!!
HEARTIEST CONGRATULATIONS to all our 187 successful students in the Higher Secondary Examination 2017, who have each performed brilliantly!
We praise God that our student THENHOI KIPGEN could bring laurels to our district by securing the 7th position in Manipur, bagging letter marks in English, Sociology, Education, Geography and Thadoukuki MIL!
We rejoice that 106 of our successful candidates have secured a first division and a grand total of 156 letter marks have been achieved in various subjects in both the Science and Arts streams with Marina Chinneimoi being the subjecttopper in Manipur in Zou MIL!
A huge THANK YOU to all the faculty and staff for your selfless dedication and unwavering endeavours which have once again paved the way for our students' grand success!
Praise be to God "for He is great and does marvellous deeds" - Psalm 86:10
24th May 2017
Principal SCHSS

Maha. CM chuongna Helicopter a tla thla, CM le a team hai an him



NEW DELHI: Maharashtra Chief Minister Mr Devendra Fadnavis le a team mi 5 hai chuongna Helicopter chu zanikhan Latur, Maharashtra hmuna tum a tum hunah changsuolin a tla thla a, sienkhawm Chief Minister le a sunga chuong hai chu himin an suok dawk. CM media adviser Chetan Patil chu a hliem met a, sienkhawm first-aid pek tlu chau a nih. Mr Fadnavis chuon-

Rambung 4 sir dingin May 29 ah PM an zinsuok ding

NEW DELHI: Khawvel rambung tum tum 4- Germany, Spain, Russia le France hai sir dingin Prime Minister Narendra Modi chu ni 6 sung thang dingin May 29, 2017 a inthawk khin inzinsuok a tih tiin external affairs ministry thusuok chun a hril. PM hin May 29, 2017 khin Germany tung a ta, German Chancellor Angela Merkel le official han lawmlutna nei an ta, May 30, 2017 khin 4th India-Germany Intergovernmental Consultation meeting nei an ta, hi ni ma hin top CEOs hai hmaah Merkel le Modi han thu hril an tih. Spain a chun President Mariano Rajoy inhmupuiin an ram pahni hai inlaichinna chungthu hriettlang an ta, India rama hung sumdawng nuom Spanish business leaders hai round-table interaction neipui bawk a tih. Spain a inthawk June 1, 2017 khin Russia khawpui St. Petersburg tung a ta, 18th India-Russia annual summit-ah Russian president Vladimir Putin an hmupui ding bakah June 2, 2017 khin St. Petersburg International Economic Forum ah Guest of honour in thang a tih. June 2 le 3 hai khin Paris ah inzin a ta, French President Emmanuel Macron inhmupuiin an ram pahni han inlaichinna thalem an nei thei dan ding le thil dang dang hai hriettlang an tih. (AIR)

California judge in yoga guru Bikram arrest warrant an suo khum

LOS ANGELES: California Judge chun yoga guru Bikram Choudhury chu legal advisor hlui sex thila chawkuoina caseah fine pound 6.5 million deuthaw pe dinga a ti chu a pek naw leiin zanikhan manna ding arrest warrant an suo khum. Choudhury hi kum 2013 khan a legal adviser lo ni hlak Minakshi "Mikki" Jafa-Bodden chun sex thilaha sawisak hlak niin an tum a, a yoga student pakhatin a suollui nia an tumna chungthuah a thangpui nuomnaw leiin ledal adviser a ninaa inthawk a ban niin an tum a nih. Hi thua hin Court chun January, 2016 khan fine dollar 6.47 million pe dingin an hriettir a. Hienga a chungthu rel a ni zo hin California a inthawk a tlanhmang nia hril a nih. (AFP)

HSA, Modern College Imphal

HSA, Modern college Imphal, Chun Hmun tina Class XII le X Exam a hlawtingna chang hai kan lawmpui takzet in kan ngaisang takzet cheu. Hmatieng peia hlawtingna Insanglem chang nawk pei ding in ditsakna insang tak kan hung inhlam nawn cheu.

Chun Class XII pass a, Manipur University(MU) Hnuoia Undergraduate Course inchuk nuom hai ta dingin Modern College Imphal hi hung belchieng sin ve rawh. Khawvel Thiemna tinga i duthusam chu hmu ngei ding in lo siem suok an che, Student tam tak beidawng hnung-a Admission an thaw khawm in a tawpa chu lawmna le Hlawtingna in a sip hlak. Lekha tieng el nilo, NCC, NSS, le Games Facility tha taka induong ani leiin mi tam tak ngaiven a hlaw tan mek.

HSA Modern College Unit, chun hieng anga College Changlung tha a hin ilo inchook nuom ani chun, a sur a sa hnuoia thangpui che an huom zing anih.

Chu el khela Umna ding nei naw hai khawm Umna ding College hostel le HSA, Imphal JHQ, Hostel chu iengtik lai khawm room hmu pek thei zing in nih.

Hrieching Nuom hai chun a hnuoia Contact no. hai a hin iengtik lai khawm biek paw thei zing kan nih.

Sd/-Tv. Lallianmawia President, Modern unit Ph.8415946189/7421053196 Sd/- Timothy Games and sports Sec. Ph.8014572672

Sd/ Khawpuihang (Jk) Vice President ph.9089985051 Sd/- Pentecost Games and sports Sec. Ph.80 14884242

LAWMTHU HRILNA

Hun iemanichena inthawk ta khan Pile natna ka nei a. Sawt tak tak inhnawmain hun ka hmang a, a chang changin thisen a suok a, ka tawl a hung lienin a hung puom a, ka kawng a hung na a, Gastric a hung um a, ka phing a hung inri rak rak a, ka taksa a hugn chawin ka hung cher deu deu a. Ka beidawngin MV Azad Phusam ka pan a, hun iemanichen a mi enkawl a, tuhin chu ka dam fel tah. Hi lei hin ka lawm hle a, hi chanchinbu hmang hin ka lawmthu MV Azad Phusam chungka ka hung hril a nih. MV Azad Phusam hi nitin 8AM-4:30PM inkar sungin Centre Road (Oop. ICI Church, ICI Road) Hiangtam Lamka, CCPur-ah pan thei le Mobile Phone Nos. 8014025567/ 7628890261 haiah biekrawn thei a nih.

Lawmthu hriitu, Sd/-Jangkhsat New Lamka

PIGROW Tablet

VAWK INTHANGNA DAMDAWI

I vawk zawr hun tlingna dingin kum khat nek tam nghak ngai tanaw nih.



A THATNA: \* PIGROW mum hi Company-hai ti dan ang taka i pek chun thla 5 sungin kg. 70 chuongkai hman a tih. \* PIGROW mum hin, i vawk chu i pek tana inthawk chaw der loin an thang tir thei.

A PEK DAN DING:

- \* Vawk pakhatang nikhatah mum 20 (zingtieng mum 10 le zantieng mum 10) pek ding.
\* Box khat ah mum 600 a um a, chu chu tlakhat sunga a fakzo ding a nih.
\* Rawt phita pek in fak awlsam an ti lem.



INCHAWK THEINAHAI:

- 1. Hmingi 2. L.K. Screen Printing Bethel, CCPur Lighthouse Lane, CCPur # 8414852391
3. Pet Care Centre, Tiddim Rd. CCPur.
Order tam dan dunguiin HOME DELIVERY khawm kan thaw thei.

Khawvela naupang rik tak



JAKARTA: Khawvela naupang rik tak Indonesia mi pasal naupang Arya Permana (10) kg. 192 zeta rik chu school khawm kai thei lova a um hnungin operation thaw a ni a, tuhin a taksa rikna a hung tlahnuoi met ta leiin school khawm a kai thei nawk tah. Hi naupang hin nikhat bu wavi 5 a fak hlak a, a thil fak hai lai noodles, bu, sa le nga hai a thang a, fak a du em em bawksi leia a taksa nasa taka hung thau, a thau taluo leia school khawm kai zawm thei loa um a ni a, a thau taluo leia mi ennuom hlaw hiel a nih.

A rik taluo lei hin lawn khawm lawn thei lo a ni el bakah a nu le pa hai khawma a thuumnaw ding chungthuah khawm harsatna nasa tak an tuok a. A tawpah a nu Rokayah le a pa Ade Somantri hai chun doctor rawnin an naupa sanhim dingin an ngen a, a thil fak an control hnungin a rikna kg. 6 in a hung tlahnuoi a, hi zo hin April 17, 2017 khin doctor han surgery an thaw a, surgery thawa inthawk chawkarhni sungin kg. 16 in a rikna hi a tlahnuoi a, tuhin a rikna chu kg. 20 in a tlahnuoi ta a nih. Hienga a rikna hung tlaknuoi pei lei hin a nu le pa hai chu an lawm hle. (LD)

Pak. Air Force vuongna a tla thla

ISLAMABAD: Zanikhan Pakistan Air Force (PAF) vuongna chu Punjab province-ah dan pangngai anga training-a a vuongsuoknaah changsuolin Mianwali hmuna a tla thla a, a pilot chu himin an kapsuok hman.



Melania Trump, Roman Catholic a lo nih



WASHINGTON: US President le an nuhmei po po, President John F. Kennedy le a nuhmei Jackie ti naw chu, Protestant an la ni vawng a. President hai sakhuona thil hi indawn chi khawma an nei nawh baw a. Tling le tinglo theina inkhina a ni baw nawa chu Kristian ram a ni leiin tamtak hriet nuom a ni hlak; ringna hi hmakhuo reltu pakhat a nih ve leiin.

an mi hril. Hi naupang hi darkar tam lo liemta khana kut chelin ka tawngtapi kha a nih a. Hi thu hin ka lungril a suklawm takzet a nih" tiin, Twitter ah hashtags '#Blessings' and '#Faith' belin a post.

Vatican City an um lai khan Pope kuomah Hospital-a naupanghai (bambinos) kuoma fe a nuom thu a hril a. A va sir zova a post dan chun, "Very moving. Naupanghai le milim zieka colour siem vel khan damnawna karah nun inhawi tak a siem thei a nih. ICU-a naupang hai le hun ka hmang kha theinghil ta ngai nawng ka ti, ni tin an ta dingin tawngtai ka ti" tiin a hril a. A tawngtaina Pathienin a dawn ning a ti, ni khat thilthuina naupangin heart donor a hmu nghal e!

February thlaa Florida Presidential Rally an nei tuma Lalpa tawngtaina "Our Father" a hung hril khan Trump chun mak a tih hle a. Tuta tum Rome ah Pope-in 'rosary' a pek a, Mary hmaah a tawngtaia, Naute Isu hmanga hospital naupang damnawhai a va kana, anni leh darkar hni lai hun hmanga tawngtaina a nei danhai po po enin, Trump khawmin ringna kawngah Catholic a nih tia hriet chau a nih.

First lady thupesawngtu Stephanie Grisham khawmin hi thu hi thudik a nih tiin a hril. Catholic hai thaw po po a thaw vawng bakah, Pope-in 'rosary' a (thaw) pekna khawm hin Catholic a niezia a tarlang tah a nih. Vatican enkawl Bambino Gesu (Baby Jesus) Hospital ah naupang damnawhai hun a hmangpuia a. Madonna ke bulah parte an hlan baw a. Hospital chapel ah Greek naupang damnaw, lung thlang (heart transplant) tul ta dingin a tawngtai bakah ICU ah lekhabu a tiempke baw.

A tawngtaina Pathienin a dawn ning a ti. Italy a inthawka Belgium an lutin, "Belgium kan tlung le inruolin, hospital-a naupang lungphu thlang tul khan petu ding (donor) a hmu tah ti thu

Manchester Club han pound 1m an pek



LONDON: Manchester City le Manchester United club hai chun thanguolin May 22, 2017 zana Manchester Arena hmuna concert huna bomb sukpuok leia thi mi 22 le hliemna tuok 64 hai sawmdawl le thanguina dingin emergency fund pound 1 million an thawlawn.

Manchester clubs pahni han sum an thawlawn hin bomb puok tortu hai iemani kawng zawng bekah thanguitu a ni ngei an beisei thu an hril.

EUROPA LEAGUE FINAL:

Manchester United chun Ajax 2-0 a hnein a vawikhatna dingin Cup an lak

European Club Competition insang tak dawt Europa League Final chu Nilaini zan khan Ajax le Manchester United hai an inkhel a. Manchester United chun 2-0 a hnein a vawikhatna dingin Europa League champion an hung ni ta a nih. Hi inkhela hin minute 18 na chauh khawvela player manto tak Paul Pogba chun United ta dingin goal a thun a, half zo char minute 48 naah Henrik Mkhitaryan chun goal pakhat a hung thunsu nawk a, hun tawp chenh goal dang a lut sap ta naw leiin United chu an hrat ta lem a nih. Ajax tieng hin ball an changrawn lema chu goal thun tak an thei naw leiin a vandouoi leman an thang ta a nih. Ajax hin ball possession 67% tawp an nei phak a nih.



Manchester United an hrat le inzawm hin UEFA Super Cup khel thei ding an hung ni ta a nih. Champions League Finalah Real Madrid le Juventus a hrat lem lem leh June 3 khin UEFA Super Cup hi inkhel an ti.

Celine Dion-in Concert lai Manchester-a Thihai Sun

NEW YORK: Manchester, England-a Ariana Grande concert laia bomb puok leia mi 22 zet thina chun khawvel a thawng a. Tamtak tinnain a mana an thil thaw dinghai khawm thaw thei tah lova an um laiin, Grammy Award vawi nga zet la tah, American hlasakthiem kum 49 a ni taa chu concert la nei pei thei, "Think Twice" singer Celine Dion chu a zam chungonawh.




Las Vegas, New York ah concert a nei laiin, mipui sing tel hmaah, a hlasak ngaithla dinga hung hai chu Manchester bomb puoka thihai sunna hunser nei dingin a fieltawl a. Mithi le hliemhai tuorpuina suklagna dingin sunna neiin tribute an lo pek a nih. Mipuihai kuoma chun, "Hung ro, in rengin ngir unla, in kut phar suok unla in sira mihai in nuom nuom leh inchel ro. Ngir ei ta Manchester mipuihai ei tuorpuie zie ei suklang ding a nih" tiin a hril a.

a thlalak chu tuipui ral tieng (Britain) ah ei sunpuuin ei lo tuorpuie a nih ti ei hril ding a nih" tiin a hril a. A ti anga an thaw zo chun lawmthu a hril a. "Wonderful. An lo hmu ding cheu a nih. In hmangaina, in tuorpuinai lo hrieng an ta, an thla a muong em em ding a nih, Ka lawm cheu" tiin a fans hai kuomah lawmthu a hril a. Hlasak a sunzawm.

Mipui chun thuawi takin an ngir a, an banhai pharin an sira mihai le an inchel zawm vawng a. "Hi thil hi ei film ding a nih. Film ei ta

Scot le Bella, Kourtney le Jounes Hmu Kawp

CANNES: Ni a luma, tam-takin taksa insukdei an tum laiin mi tamtak thisen an suklum pap pap. Abikin, 70th Cannes Film Festival 2017-a thang dinga fehah, nupa tuok, kawppui hlui, inggaizawng lai, inthe tah hnung, intawng thar mek, khawvela milar le mihausa-hai an fun khawm lai tamtak thisen le lung chu sa pap pap a ti.



"Sex addict ka nih" ti tlanghrieta puong hiel tah, nau pathum a neipui a nuhmei Kourtney Kardashian leh inthe mek Scot Disick (33 chu tleirawl hmetha, Disney star Bella Thorne (19) leh Nilaini khan Cannes tuipui kamah "sunbathing" an thawlai hmu a nih a. "Sunbathing" (nisaa inem) chauh naw khawm an thaw.

unaunu Dani le a ruolpa khawm a thuoia chu an ukasawh. Khum chungah zalin an inkuo vel a, an kuthai an hmang dana chun an inmel tah hle ti hmu thei a nih. Nupa nun inthuk tak an lut nawa chu a bul tanna, intui vel le inzuta signal (nuom) ti inhrilhai ruok chu an thaw vawng a nih. Sun varlai tak a nia chu an zal dan chu zana zal ang an nih a. Scot kut chu a nene chung le awmbar lai a um zing a. A unu Dani um naw sien lem chu lut inthuk hleng an ti.

Nisa inemna ding le insukdeina dinga khum an siem chungah chun an zal a. Zakuohuoi (Bikini) leh chau a ni bawk, Scot khawm kekawv bul chau bunin, zal pumin a sira thung Bella nene chu a hei tuoipek malam pei a. Bodice hrui khawm an suta a siem tha a siem tha nghe nghe a nih. Bella Thorne hin a

ah vek umin ama neka kum 15 bawka naupang, Younes Bendjima (23) chu lawng chungah a lo inpawlpui zek baw a. Zakuohuoi (bikini) sexy deu deu hakin inhawi chu an ti hle. Khawvela insukhlamma ding hmun inhawi taka an hril south France, Cannes-a um an nih bawka, an nuom leh insukdein an nuom hun hunah an insuklum el a nih.

Team India England an tlung

ICC Champion Trophy khel dingin India team chu Virat Kohli inrawinain zankhan England an tlung tah. Team India member mi 15 hai hin zani hmasa zantienga kha Mumbai suoksan an nih. India team hin June 4, 2017 khin Edgbaston hmunah Pakistan inkhelupai an ti.

BWF Athletes' Commission member dingin Sindhu

Gold Coast (Australia): Olympic silver medallist P.V. Sindhu (21) chu BWF Athletes' Commission member pakhat ni ve dinga thlangting a nih.



Kum 21-a upa Sindhu hin votes 129 a hmu a, member dinga thlang nuhmei 3 hai laia vote hmu rawn tak a nih. BWF Athletes' Commission member dinga thlangting a nina thuah lawmum a ti thu a hril a, a thlangtu players hai chungah lawmthu a hril. A member chanpui dinga thlangting ve nuhmei pahni dang hai chu Germany mi Marc Zwie-

bler (108 votes) le Kirsty Gilmor of Scotland (103 votes) hai an ni a, member kum 4 sung chel an ti. Hieng pathum hai hin an term tawp tah Yuhuan Tan (Belgium), Hans-Kristian Solberg Vittinghus (Denmark) le Greysia Polii

Irina Shayk, Nau Nei Hnung Khawmin La Nal

NICE: Victoria Secret model Irina Shayka chu kum 31 nih tain, thla hni liemtah khan nau a nei zo chauh a nia chu nunghak that vanglei tak angin a la nal a nih ti tuta tum 70th Cannes Film Festival 2017 ah a suklang. Ni kum khan a nau pai leiin Victoria Secret model hin a sin a thaw thei naw ding thu a hril a. Tu kum chu a hun takah a hung sukpuiting thei a nih.



"Hikari" film an premiere zana a zakuo le puonbil inkawp, Atelier Versace gown eng haka Red Carpet a hung hraw phei chu cameramen hai an insel buoi vawng a nih. A dar inhawng vawng, bra hak lovin, ban bul hai le nene bal lai inlang thei vawng, a kawng inrek malpui lai inthlera malpui inlang thei, Vahuong mei ang ela sei zuoi zuoi Gown inphan deuh a hung hak a.

A zakuo rawng ang char pheikhaw heel a bun baw a. A sum dam thlap el hnung tieng an tlaktir vawng a. Make up tak taluo lovin, 'nude pink lip' le eyebrow nal taka nal dumin mani inring zo taka a hung lawn phei chu, nal tak a nih. Gown hin a pum ang charin a rek baw a, a figure nal zie a suklang ching hle. Nau neu zo chauh ding chun la nal tak a nih.

Irina Shayk hi Bradley Cooper (42) leh 2015 kum bul a inthawk khan an inzui tah a. December khan Diamond kutsehi hmangin an inhuol nia hriet a nih. Tu kum March khan an nau pakhatna ding Lea de Seine chu an nei a, an hlim em em. Nau nei zo thla hni vel chauh la liemin a Cat Walk nawk tah a nih. Irina hin France an zin ding hi a hril

thak nawh a. Nice airport a hung tlung chen khawmin a khata hung a nih ti an hriet nawh a, social media haiha a puong naw bawk. Hello magazine a hril dan chun, a sin a pawimaw tho laini thil dang dang neka a ngai pawimaw chu 'insung' (family) niin a hril.

"Ei rengin ei damsan chu sungkuo hi niin ka hriet. Tuta ka sin (model) khawm hi inhawi ka tia chu a pawimawtak chu niin ka hriet nawh. A pawimawtak chu sungkuo, ka hmangai hai an nih" tiin a hril.

Tom Cruise-in 'Top Gun-2' Chang Nawk Ding

LOS ANGELES: Hollywood actor hmetha le inlar Tom Cruise chun a tlangval laia an larna tak film "Top Gun" chu a siem sunzawm nawk ding niin a hril. A hun laia inlar em em, 'cult classic action film' Tom Cruise khawm Hollywood elite group (A-list) hai laia inumtirtu film chu tamtakin a zawmpui (sequel) um dinga an hril angin a um ding niin Australia TV a hril.



A film thar tak "The Mummy" promote na dinga an zinna le inzawma Australia TV morning show interview an neinaah, "An dik a nih. An dik. Kum thara inthaw vel khin chu shooting ka tan el thei" tiin a hril.

ti thu a post a inthawk a nih. Tom Cruise an indawn chun, "Kan ngaituo mek a nih. A tlung ngei ding a nih" a ti h. A detail ding le story ding ruok chu a la hril bik nawh a. Fans tamtakin

Michal Jordan pheikaw USD 100K a zawr ring

WASHINGTON: American Basketball player Michael Jordan in kum 1984-a Olympic finals a gold medal a lak luna a lo bun Converse pheikaw chu auction thaw hunah USD 100,000 vela zawr phak a ni beisei a nih.



WC qualifier England squad ah Rooney thang ve lo



LONDON: Thla thara England le Scotland han World Cup qualifier match an khel ding le France le friendly match an khel ding chun all-time top scorer Wayne Rooney chu England squad-ah inthangtir a ni nawh.

Kum 31-a upa Rooney hin Europa League final-a Manchester United in Ajax an 2-0 a an hne tum khan tawite an lang a, Russia rama kum thara World Cup hung um dingah England team captain a ni zoah international football khel chawlsan tum a nih. Kar thara inkhel huna England Squad ding hai chu a hnuoia hai hi an nih.

Goalkeepers: Jack Butland (Stoke City), Fraser Forster (Southampton), Joe Hart (Torino/ITA, on loan from Manchester City), Tom Heaton (Burnley)

Defenders: Ryan Bertrand (Southampton), Gary Cahill (Chelsea), Nathaniel Clyne (Liverpool), Aaron Cresswell (West Ham United), Ben Gibson (Middlesbrough), Phil Jones (Manchester United), Chris Smalling (Manchester United), John Stones (Manchester City), Kieran Trippier (Tottenham Hotspur), Kyle Walker (Tottenham Hotspur)

Midfielders: Eric Dier (Tottenham Hotspur), Adam Lallana (Liverpool), Jake Livermore (West Bromwich Albion), Dele Alli (Tottenham Hotspur), Jesse Lingard (Manchester United), Alex Oxlade-Chamberlain (Arsenal), Raheem Sterling (Manchester City)

Forwards: Jermain Defoe (Sunderland), Harry Kane (Tottenham Hotspur), Marcus Rashford (Manchester United), Jamie Vardy (Leicester City).

BCCI media manager an ban

NEW DELHI: Committee of Administrators (COA) in Delhi-a BCCI Office khar dinga thutlukna an siem le inzawmin Indian Cricket team-a media manager Nishant Arora chun zani hmasa zantieng khun inbanna a pek. COA chun Mr Arora hi thawktu hai umna Mumbai-a Cricket House tienga insawn dinga an inhrietir a ni hnunga inbanna hi a pek nia hril a nih. Nishant Arora hi Supreme Court in a ban tah Anurag Thakur in media manager dinga a lak ve a ni a, thla 18 sung BCCI manager sin a chel hman a, Australia, US le West Indies hai thangin a sin le inzawmin ram dang dangah a lo inzin hman a nih.

US Soccer Hall of Fame ballot-ah David Beckham hming

NEW YORK: English midfielder le American soccer hung hung sukthatho zuolto David Beckham chu U.S. National Soccer Hall of Fame 33-player ballot a first-time candidates 12 hai lai a thang ve. David Beckham hin kum 2007-12 sunga LA Galaxy ta dinga a khel hunah Major League Soccer titles 2 a lak a nih.



First-time candidates list a hin US National team-a pawimaw em em defender Cherundolo, midfielder Pablo Mastroeni le forward Brian Ching hai khawm an thang. First-time list-a an hming chungang dang hai lai defenders Chris Albright, Danny Califf le Tina Frimpong Ellertson; goalkeeper

ers Joe Cannon le Kevin Hartman hai le midfielders Amado Guevara, Eddie Gaven le Leslie Osborne hai khawm an thang.

Ballot puona nuhmei hming chungang ve hai lai goalkeeper Briana Scurry; defenders Kate Sobrero Markgraf le Heather Mitts; midfielder Aly Wagner; le forward Tiffeny Milbrett hai an thang bawk.

Pasal le nuhmei national team coaches, Major League Soccer le National Women's Soccer league management, U.S. Soccer Federation leadership, Hall of Famers le media han vote an thlak ding a ni a, voters han players 10 pei vote an ta, players han tak nina an changna dingin ballots 66.7 percent bek an hmu ding ti a nih.